

Hringbrautarverkefnið staða framkvæmda og fréttir af verkefninu

- Uppsteypuverkefni meðferðarkjarnans á fullri ferð
- NLSH auglýsir útboð vegna jarðvinnu fyrir nýtt rannsóknahús
- Átta þáttakendur í forvali um útveggi meðferðarkjarna
- Starfsemi NLSH að fullu hafin á Alaskareit

Uppsteypuverkefni meðferðarkjarnans á fullri ferð



Eysteinn Einarsson staðarverkfræðingur NLSH í nýjum skrifstofum á Alaskareit

Uppsteypuverkefnið á nýjum meðferðarkjarna er á fullri ferð, en aðalverktaki uppsteypu verksins er Eykt hf.

„Helstu verkþættir sem nú eru í gangi við uppsteypuna eru áframhaldandi vinna við mótauppslátt, járnabendingu undirstaðna og jarðskaut. Einnig er áfram unnið við þrif á klöpp og þriflagssteypur en sú vinna fer að klárást fljóttlega. Vinna við fyllingar er hafin og vinna við lagnir í grunni og botnplötu hefst á næstunni“, segir Eysteinn Einarsson staðarverkfræðingur hjá NLSH.

Fyrsta steypa botnplötu í júní



Ingvar Stefánsson verkefnastjóri hjá Eykt

„Verkefnið gengur vel hjá okkur og er nú búið er að leggja niður um 6.300 m³ af steypu í þrifalög og undirstöður. Hvað rúmmál varðar þá er steypuvinna við undirstöður um það bil hálfnuð. Vinna er byrjuð hjá okkur við fyllingar innan í sökkla og gerum við ráð fyrir að steypa fyrstu steypur botnplötu í júnímánuði.“

Við vorum að taka í notkun meiri búnað tengdum hitamælingum í steypu. Um er að ræða búnað til að senda gögn frá hitanemum í steypunni samfellt í skýið, þar sem við höfum aðgang að upplýsingum í rauntíma. Áður þurftum við að lesa inn upplýsingar frá mælunum með því að leggja upp að þeim smartsíma, sem með hjálpc Bluetooth fluttu upplýsingar yfir í símana og svo áfram upp í skýið. Þetta hjálpar okkur mikið við eftirlit með hitastigi í steypunni og þróun styrks hennar. Ásýnd svæðisins mun breytast í vikunni, þar sem byrjað var í morgun að reisa stærsta kranann sem verður hjá okkur í verkinu“, segir Ingvar Stefánsson verkefnastjóri hjá Eykt.



Veðrið hefur verið gott við uppsteypuvinnuna í byrjun sumars



Þétt umferð steypubíla er um framkvæmdasvæðið sem hefur gengið greiðlega



Stórir kranar eru notaðir við uppsteypuna og verið að reisa þann stærsta sem notaður verður




Framkvæmdasvæðið farið að taka á sig mynd á löð Landspítala


NLSH auglýsir útboð vegna jarðvinnu fyrir nýtt rannsóknahús



Model - pakmynd



Model - Suðausturhorn



Módelmyndir af rannsóknahúsinu

Um er að ræða verkefni sem gengur út á að grafa fyrir nýju rannsóknahúsi á suðurhluta lóðarinnar við Hringbraut. Til verksins heyrir vinna við undirbúning uppgrafrarins í húsgrunni svo sem rif á malbikuðu bílastæði, rif á gasgeymsluskýli, förgun lagna og rafstrengja.

Verkinu skal verða að fullu lokið í desember á þessu ári.

Nánari upplýsingar er að finna í rafrænu útboðskerfi Ríkiskaupa, <https://tendsign.is/>

„Það má segja að það sé viss léttir að búið sé að auglýsa eftir ánægjusönum aðilum til að taka þetta stóra verk af sér. Við vonumst eftir góðri þátttöku í útboðinu“ segir Signý Stefánsdóttir verkefnastjóri á hönnunarsviði NLSH.

Átta þáttakendur í forvali um útveggi meðferðarkjarna



Útlit á nýjum meðferðarkjarna, sýnir útveggi hússins

Miðvikudaginn 26. maí var opnað hjá Ríkiskaupum forval nr. 21398 vegna útveggjakerfis meðferðarkjarnans (Exterior Wall System EWS for NLSH).
Þátttökubeiðnir í útboðinu bárust frá eftirfarandi átta aðilum:

- **Fenster Alumiinium As**
- **Ístak hf**
- **KG Constructions**
- **Rizzani de Eccher S.p.A.**
- **Schneider (G.B.) Ltd.**
- **Skonto Plan**
- **Staticus**
- **þG verktakar**

Við tekur yfirferð þar sem farið verður yfir hæfiskröfur aðilanna og í kjölfarið að afhenda útboðsgögn til valinna aðila í ljósi heimilda sbr. lög um skipan opinberra framkvæmda nr. 84/2001 og lög um opinber innkaup nr. 120/2016.

Ljóst er að mikill áhugi er á þessu verkefni. Hönnun hússins er unnin á vegum Corpus hönnunarhópsins og er Buro Happols Engineering UK sem leiðandi samstarfsaðili í útveggjakerfinu (Exterior Wall System).

Starfsemi NLSH að fullu hafin á Alaskareit



Ingí Jóhannes Erlingsson sviðsstjóri fjármála – og þjónustusviðs NLSH

Nú er starfsemi NLSH að fullu hafinn á nýjum stað við Alaskareitinn þar sem Alaska blómstraði hér áður fyrr.

„Við erum komin hér á fulla ferð á nýjum stað. Það má segja að það fari vel hér um alla og ánægja með nýju skrifstofurnar. Helsti kosturinn er auðvitað sá að vera svona nálægt framkvæmdum sem skiptir miklu máli og jafnframt auðveldar öll samskipti við þá ótal mörgu aðila sem koma að þessari stóru framkvæmd“, segir Ingí Jóhannes Erlingsson sviðsstjóri fjármála – og þjónustusviðs.



Aðkoma að nýjum skrifstofum NLSH

Á vinnubúðareitnum hefur vinna staðið yfir við ýmsar endurbætur og frágang.


„Það hefur verið mikil vinna við að gera húsin hér á svæðinu tilbúin fyrir rekstur og að hreinsa hér til og gera allt klárt“, segir Steinar Þór Bachmann, verkefnastjóri rekstrar hjá NLSH.



Starfsmenn NLSH hafa komið sér vel fyrir í nýju skrifstofunum

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644 stefanh@landspitali.is og frá Háskóla Íslands Björn Gíslason 896 0876 bgisla@hi.is